


衆事分門毘曇論

才五

投三

三百六十三

50353



衆事分阿毗曇論卷第五

投

尊者世友造

宋三藏求那跋陀羅共菩提耶舍譯

分別攝品第六中

云何善法謂善五陰及數滅云何不善法謂
 不善五陰云何無記法謂無記五陰及虛空
 非數滅云何學法謂學三陰云何無學法謂
 無學五陰云何非學非無學法謂有漏五陰
 及無為云何見斷法謂若法隨信行隨法行
 人無間忍等斷彼云何斷謂見斷八十八使
 彼相應法彼所起心不相應行云何修斷法
 謂若法學見跡修斷彼云何斷謂修斷十使
 彼相應法彼所起身口業彼所起心不相應



行及不穢汚有漏法云何不斷法謂無漏法
云何見斷因法謂穢汚法若見所斷法報云
何修斷因法謂修所斷法即如是法斷云何
不斷因法謂無漏有爲法云何可見有對法
謂一入云何不可見有對法謂九入云何不
可見無對法謂二入云何報法謂若報得十
一入少分除聲入云何非報法謂不善善有
漏法及聲入云何非報非報法謂除報無
記法若餘無記及無漏法

云何下法謂不善法隱沒無記法云何中法
謂善有漏及不隱沒無記法云何上法謂無
漏有爲法及數滅云何小法謂少信少欲少

意解彼相應法彼共有法彼色法謂少微不
多不廣是名小法云何大法謂大信大欲大
意解彼相應法彼共有法彼色法謂多廣無
邊無際無量及虛空非數滅是名大法云何
無量法謂無量信無量欲無量意解彼相應
法彼共有法彼色法謂多廣無邊無際無量
及虛空數滅非數滅是無量法云何意樂
法謂若法意所樂云何非意樂法謂若法非
意所樂云何非意樂非非意樂法謂若意於
法捨云何樂俱法謂若法樂受相應云何苦
俱法謂若法苦受相應云何不苦不樂俱法
謂若法不苦不樂受相應云何俱起法謂

切有爲法生相故云何俱住法謂一切有爲
法住相故云何俱滅法謂一切有爲法滅相
故云何非俱起法謂無爲法非生相故云何
非俱住法謂無爲法非住相故云何非俱滅
法謂無爲法非滅相故云何心俱起法謂若
心俱起十一入少分除意入云何心俱住法
謂若法心隨轉云何心俱滅法謂若心俱滅
十一入少分除聲入及意入云何非心俱起法
謂意入若非心俱起十一入少分云何非心
俱住法謂若法非心隨轉云何非心俱滅法
謂聲入意入若非心俱滅十一入少分云何
欲界謂欲貪欲貪相應若受想行識彼所起也

口業彼所起心不相應行去何瞋恚界
恚瞋恚相應若受想行識彼所起身口業彼
所起心不相應行去何害界謂害害相應若
受想行識彼所起身口業彼所起心不相應
行去何出要界謂出要出要相應若受想行
識彼所起身口業彼所起心不相應行及數
滅去何無瞋恚界謂無瞋恚無瞋恚相應若
受想行識彼所起身口業彼所起心不相應
行去何無害界謂無害無害相應若受想行
識彼所起身口業彼所起心不相應行去何
欲界謂若法欲貪使所使去何色界謂若法
色貪使所使去何無色界謂若法無色貪使

所使去何色界謂欲界色界是名色界去何
無色界謂四無色是名無色界去何滅界謂
數滅及非數滅是名滅界

又復一切色法是名色界除數滅非數滅餘
一切非色法是名無色界數滅及非數滅是
名滅界去何欲有謂若業欲界繫受緣轉起
未來彼業報去何色有謂若業色界繫受緣
轉起未來彼業報去何無色有謂若業無色
界繫受緣轉起未來彼業報去何欲漏謂除
欲界繫無明餘欲界繫相應結縛使煩惱纏
是名欲漏云何有漏謂除色無色界繫無明
餘色無色界繫相應結縛使煩惱纏是名有

漏云何無明漏謂愚三界闇無知

云何過去世世謂若行已起等起生等生轉已
轉已有已過去已盡變過去過去究竟過去
世所攝是名過去世世云何未來世謂若行未
起未等起未生未等生未轉未已轉未有未
現在未來未來究竟未來世所攝是名未來
世云何現在世謂若行今起等起生等生轉
已轉已有已現在住未盡變現在現在究竟
現在世所攝是名現在世云何過去說事謂
過去行云何未來說事謂未來行云何現在
說事謂現在行云何苦苦變苦苦行苦苦
謂欲界苦苦色界變苦苦無色界行苦苦

復次苦苦受苦苦樂受變苦苦不苦苦不樂受
行苦苦

復次非意樂行苦苦苦苦意樂行變苦苦非意
樂行非非意樂行行苦苦云何有覺有觀法
謂若覺觀相應云何無覺有觀法謂若法覺
不相應觀相應云何無覺無觀法謂若法覺
觀不相應云何有覺有觀地謂欲界至梵世
及無漏法云何無覺有觀地謂修禪中間已
能得至大梵及無漏法云何無覺無觀地謂
一切光音一切遍淨一切果實一切無色及
無漏法

云何身業謂身作及無作云何口業謂

及無作云何意業謂思業云何善業謂善
口業及善思業云何不善業謂不善身口
及不善思業云何無記業謂無記身口業及
無記思業云何學業謂學身口業及學思業
云何無學業謂無學身口業及無學思業云
何非學非無學業謂有漏身口業及有漏思
業云何見斷業謂若業隨信行隨法行入無
間忍等斷彼云何斷謂見斷八十八使相應
思業云何修斷業謂若業學見跡修斷彼云
何斷謂修斷十使相應思業彼所起身口業
及不穢汚有漏業云何不斷業謂無漏身口
業及無漏思業云何現法受業謂若業此世

作長養彼業即此生受現法報非餘生受
名現法受業云何生受業謂若業此生作長
養彼業第二生受報是名生受業云何後受
業謂若業此生作長養彼業至第三第四生
方受其報或復經衆多生然後受報是名後
受業

云何樂受業謂欲界相應善業乃至第三禪
善業云何苦受業謂不善業云何不苦不樂
受業謂第四禪地善業乃至無色界相應善
業

三法竟

云何身念處謂十色入及法入中所攝色是
名身念處云何受念處謂六受身眼觸生

如是耳鼻舌身意觸生受云何心念處
識身眼識耳鼻舌身意識身是名心念處云
何法念處謂受所不攝非色法法入攝是名
法念處

復次身增上彼道生善有漏及無漏是名身
念處受心法增上彼道生善有漏及無漏是
名法念處復次緣身慧是身念處緣受心法
慧是法念處

云何已起惡不善法方便令斷正勤謂已起
惡不善法修令斷增上道生善有漏及無漏
是名已起惡不善法方便令斷正勤云何未
起惡不善法方便令不起正勤謂未起惡不

善法修令不起增上道。生善有漏及無漏。是名未生惡不善法方便。令不生正勤云何。未生善法方便。令生正勤。謂未生善法勤修令生。增上道。生善有漏及無漏。是名未生善法勤修令生。正勤云何。已生善法方便。勤修令住。使不忘失。滿足修習。增廣智證。正勤。謂已起善法勤修令住。使不忘失。滿足修習。增廣智證。增上道。生善有漏及無漏。是名已生善法勤修令住。使不忘失。滿足修習。增廣智證。正勤。

云何欲定淨行成就如意。足謂欲增上彼道。生善有漏及無漏。是名欲定淨行成就如意。

足云何精進心慧定淨行成就如意足謂慧
等增上彼道生善有漏及無漏是名慧定淨
行成就如意足

云何初禪謂初禪所攝善五陰云何第二第
三第四禪謂乃至第四禪所攝善五陰云
何苦滅聖諦謂五盛陰云何集聖諦謂有漏因云
何苦滅聖諦謂數滅滅云何苦滅道聖諦謂
學法無學法

云何慈謂慈慈相應若受想行識彼所起身
口業及彼所起心不相應行悲喜亦如是云
何捨謂捨捨相應若受想行識彼所起身
業及彼所起心不相應行

云何虛空入處謂虛空入處有二種謂正
及受生彼相應法若受想行識如虛空入處
識入處無所有入處亦如是云何非想非非
想入處謂非想非非想入處有二種謂正受
及受生彼相應法若受想行識是名非想非
非想入處

云何隨乞得衣知足聖種謂隨乞得衣知足
業增上彼道生善有漏及無漏是名隨乞得
衣知足聖種云何隨乞得食及眠卧具等及
樂閑靜樂修業增上彼道生善有漏及無漏是
名隨乞得食及眠卧具等及樂閑靜樂修業

種云何須陀洹沙門果謂須陀洹果有二種
有爲及無爲云何須陀洹有爲果謂證須陀
洹果若學法已得今得當得是名須陀洹有
爲果云何須陀洹無爲果謂證須陀洹果若
結使斷已得今得當得是名須陀洹無爲果
如須陀洹沙門果斯陀含沙門果阿那含沙
門果亦如是云何阿羅漢沙門果謂阿羅漢
果有二種有爲及無爲云何阿羅漢有爲果
謂證阿羅漢果若無學法已得今得當得是
名阿羅漢有爲果云何阿羅漢無爲果謂證
阿羅漢果若諸結斷已得今得當得是名阿
羅漢無爲果

云何法智謂知欲界繫行無漏智廣說如
五法品乃至無生智亦如是

云何義辯謂不動智於彼第一義善能分別
云何法辯謂不動智於彼名味句身善能分
別云何辭辯謂不動智於彼言說不生礙想
云何隨應辯謂不動智不斷不散決定自在

云何因緣謂有爲法云何次第緣謂過去現
在除阿羅漢最後命終心心法若餘過去現
在心心心法云何緣緣增上緣謂境界一切法
云何麤搏食謂搏食性因彼食故諸根增長
四大增長隨養隨護充足清明是名搏食云
何觸食謂緣有漏觸諸根增長四大增長

育諸根隨護長養亦如前說云何意思食得
緣有漏思諸根增長四大增長如前廣說云
何識食謂緣有漏識諸根增長四大增長如
前廣說

云何欲流謂除欲界繫五見及無明餘欲界
繫結縛使煩惱纏是名欲流云何有流謂除
色無色界繫五見及無明餘色無色界繫結
縛使煩惱纏是名有流云何見流謂五見是
名見流云何無明流謂愚三界闇無知如流
扼亦如是
云何欲取謂除欲界繫五見餘欲界繫結縛
使煩惱纏是名欲取云何見取謂四見除

見謂身見邊見邪見取見見是名見取云
戒取謂一見除四見謂取戒見彼復云何謂
若人邪取戒相以爲清淨即是解脫起見起
忍是名戒取云何我取謂除色無色界繫五
見餘色無色界繫結縛使煩惱纏是名我取
云何過去法謂過去五陰云何未來法謂未
來五陰云何現在法謂現在五陰云何非過
去未來現在法謂無爲法

云何欲界繫法謂欲界繫五陰云何色界繫
法謂色界繫五陰云何無色界繫法謂無色
界繫四陰云何不繫法謂無漏五陰及無爲
云何善因法謂善有爲法及善法報云何

善因法謂欲界繫穢汚法及不善法報云何
無記因法謂無記有爲法及不善法云何非
善因非不善因非無記因法謂無爲法

云何有緣緣法謂意識相應心心法緣云何
無緣緣法謂五識相應若意識相應色無爲
心不相應行緣云何有緣緣無緣緣法謂若

意識相應心心法緣色無爲心不相應行緣
云何非有緣緣非無緣緣法謂色無爲心不
相應行四法竟

云何五陰五盛陰謂廣說如前分別七事品
云何地獄趣謂地獄衆生若一性一種類一
身自分得處得事得入若地獄衆生生彼處

不隱沒無記色受想行識是名地獄趣畜
餓鬼趣亦如是云何天趣人趣謂若天若人
一性一種類一身自分得處得事得入若天
若人生彼此處不隱沒無記色受想行識是
名人天趣

云何見苦斷煩惱身謂煩惱身若隨信行隨
法行人苦無間忍等斷彼云何斷謂見苦斷
二十八使彼相應煩惱身云何見集斷煩惱
身謂煩惱身若隨信行隨法行人集無間忍
等斷彼云何斷謂見集斷十九使彼相應煩
惱身云何見滅斷煩惱身謂煩惱身若隨信
行隨法行人滅無間忍等斷彼云何斷謂見

滅斷十九使彼相應煩惱身云何見道斷
惱身謂煩惱身若隨信行隨法行人道無間
忍等斷彼云何斷謂見道斷二十二使彼相
應煩惱身云何修斷煩惱身謂煩惱身若學
見迹修斷彼云何斷謂修斷十使彼相應煩
惱身

云何色法謂一切四大及四大所造云何心
法謂六識身眼識身乃至意識身云何心法
法謂若法心相應彼復云何謂受想思觸憶
欲解脫念定慧信精進覺觀乃至煩惱結纏
如前五法品廣說云何心不相應行謂若法
心不相應彼復云何謂諸得乃至名句味

如前五法品廣說云何無為法謂三無為
空數滅非數滅

五法竟

云何地界謂堅相云何水界謂濕相云何火
界謂熱相云何風界謂輕動相云何虛空界
謂空邊色云何識界謂五識身及有漏意識
云何見苦斷法謂隨信行隨法行人苦無間
忍等斷廣說如前分別諸入品集滅道修亦
如是云何不斷法謂無漏法

六法竟

云何欲貪使謂如欲貪說云何瞋恚使謂惱
害衆生云何有愛使謂色無色愛云何慢使
謂慢心高下受云何無明使謂愚三界闇無
知云何見使謂五邪見云何疑使謂惑諦不

了

云何初識住謂有色衆生種種身種種想謂人及天是名初識住處云何初次第相續數謂初識住彼相應不相應若色受想行識是名初識住有色衆生種種身一種想謂梵天身彼初所轉是名第二識住處云何第二次第相續數謂第二識住彼相應不相應若色受想行識是名第二識住有色衆生一種身種種想謂光音天是名第三識住處乃至是名第三識住廣說如上有色衆生一種身一種想謂遍淨天是名第四識住處乃至是名第四識住廣說如上無色衆生離一切色想

離礙想礙想究竟無種種想思惟無邊空
住無邊空入處謂空入處天是名第五識住
云何第五次第相續數謂第五識住彼相應
若受想行識是名第五識住無色衆生已離
一切虛空入處無量識住無量識入處謂識
入處天是名第六識住乃至是名第六識住
廣說如上無色衆生已離一切識入處無所
有住無所有入處謂無所有入處天是名第
七識住乃至是名第七識住廣說如上
云何念覺支謂賢聖弟子於苦思惟苦於集
思惟集於滅思惟滅於道思惟道無漏意思
惟相應若念隨念念不忘失不散忘常不廢

忘是名念覺支云何擇法覺支謂賢聖弟子
於苦思惟苦於集思惟集於滅思惟滅於道
思惟道無漏意思惟相應於法簡擇選擇擇
相等擇相決定相慧覺聰明慧行觀察是名
擇法覺支云何精進覺支謂賢聖弟子於苦
思惟苦乃至於道思惟道無漏意思惟相應
若欲精進方便出要勇健心攝受捷疾無間
是名精進覺支云何喜覺支謂賢聖弟子乃
至無漏意思惟相應若心歡喜踊躍增上歡
喜決定心樂所堪能喜所喜是名喜覺支
云何猗覺支謂賢聖弟子乃至無漏意思惟
相應若身猗心猗樂猗所猗是名猗覺支

何定覺支謂賢聖弟子乃至無漏意思惟
應若心住等住樂住所住不散不亂攝受一
心是名定覺支云何捨覺支謂賢聖弟子於
苦思惟苦於集思惟集於滅思惟滅於道思
惟道無漏意思惟相應若心平等等攝受心
無受用住是名捨覺支

七法竟

八

云何初解脫處謂內有色想外觀色是名初
解脫處云何初次第相續數次第正受謂初
解脫處若入正受善色受想行識是名初解
脫處內無色想外觀色是名第二解脫處云
何第二次第相續數次第正受謂第二解脫
處若入正受善色受想行識是名第二解脫

處淨解脫處身證住是名第三解脫處
第三次第正受廣說如上離一切色想離
想礙想究竟思惟無邊空處入無邊空處是
名第四解脫處云何第四次第相續數次第
正受謂第四解脫處若入正受若善受想行
識是名第四解脫處離一切空入處入無邊
識處是名第五解脫處乃至第五次第正受
廣說如上無所有處非想非非想處乃至第
七正受廣說如上名第七解脫處離一切
非想非非想處想受滅身證住是名第八解
脫處云何第八次第相續數次第正受謂
入解脫處若入正受若解脫得脫若法想

因想微次第想不相續不成就是名第八
脫處

云何初勝處謂內有色想外觀少色若好色
若惡色謂彼勝處生觀想是名初勝處入云
何初勝處次第相續數次第正受謂初勝處
若入正受善色受想行識是名初勝處入內
有色想外觀多色若好色若惡色謂彼勝處
生觀想是名第二勝處入乃至第二正受廣
說如上乃至第七勝處正受廣說如上其名
第七勝處入內無色想外觀色白白色白觀
白光譬如憂私多羅華色成就如婆羅奈衣
白白色白觀白光如是比丘內無色想外觀

色白白色白觀白光謂彼勝處生觀想是名
第八勝處入云何第八次第相續數次第正
受謂第八勝處若入正受善色受想行識是
名第八勝處入

云何正見謂賢聖弟子於苦思惟苦於集思
惟集於滅思惟滅於道思惟道無漏意思惟
相應於法簡擇選擇擇相等擇相決定相慧
覺聰明慧行觀察是名正見云何正思惟謂
賢聖弟子乃至於道思惟道無漏意思惟相
應若心覺隨覺色覺增上色覺覺數覺覺思
惟等思惟是名正思惟云何正語謂賢聖弟
子於苦思惟苦乃至於道思惟道無漏意思

惟相應除邪命口四過餘口惡行無漏數減
不作不爲收攝律儀等護自防不作惡行不
作過罪堅固堤塘住堅固不犯住是名正語
云何正業謂賢聖弟子乃至於道思惟道無
漏意思惟相應除邪命身三惡餘身惡行無
漏數減不作不爲乃至堅固不犯住如前正
語說是名正業云何正命謂賢聖弟子乃至
於道思惟道無漏意思惟相應如前所除邪
命身口惡無漏數減不作不爲如上廣說是
名正命云何正方便說謂賢聖弟子乃至於
道思惟道無漏意思惟相應廣說如精進學
支是名正方便正念廣說如念覺支是名正

念云何正定謂賢聖弟子於苦思惟苦乃
於道思惟道無漏意思惟相應廣說如正定
覺支 八法竟

云何貪欲結謂三界貪云何瞋恚結謂惱害
衆生云何慢結謂七慢云何無明結謂愚三
界闇無知云何見結謂三見身見邊見邪見
云何他取結謂二見見取戒取云何疑結謂
惑諦不了云何嫉結謂心如增廣云何慳結
謂心攝受堅著

云何初衆生居處謂有色衆生種種身種種
想謂天及人是名初衆生居處是名初次第
相續數云何名衆生居處謂衆生於中止

於中受生入是名衆生住處云何第二第
第四衆生居處謂如識住處廣說云何第五
衆生居處謂有色衆生無想所謂無想天是
名第五衆生居處第五次第相續數如上廣
說云何第六衆生居處謂無色衆生離一切
色想離礙想礙想究竟乃至第八衆生居處
廣說如後三識住處云何第九衆生居處謂
無色衆生離一切無所有處入非想非非想
處住所謂非想非非想天是名第九衆生居
處次第相續數如上廣說是名九衆生居處

九法
竟

云何初一切入處謂地一切入一相生上

諸方無二無量是名初一切入處云何初
第相續數次第正受謂初一切入處若入
受善色受想行識是名地一切入處如地一
切入水火風青黃赤白一切入處亦如是空
一切入處識一切入處一相生上下諸方無
二無量是名十一一切入處云何十一一切入處
第相續數次第正受謂十一一切入處若入正
受善色受想行識是名十一一切入處
無學正見乃至無學正定如道支說云何無
學正解脫謂賢聖弟子乃至於道思惟道無
學意思惟相應若心已解脫當解脫云何無
學解脫正知見謂盡智無生智

云何有漏色。謂若色有漏。從取生。謂此色去未來現在起。欲今起。當起。若恚若癡。一一心數起。諸煩惱今起。當起。是名有漏色。乃至有漏識亦如是。

云何無漏色。謂若色無漏。不從取生。謂此色過去未來現在若欲。應生不生。若恚若癡。及餘心數煩惱。應生不生。是名無漏色。如是乃至無漏識亦如是。

云何無為法。謂三無為。虛空數滅。非數滅。十一法竟

云何十二入十八界。謂如前分別七事品廣

說。十二法十法八法竟

云何眼根。謂如眼入。如是乃至身根如身。

云何女根謂身根少分男根亦如是
云何命根謂三界中命云何意根謂若心意
識彼復云何謂六識身所謂眼識乃至意識
樂根苦根喜根憂根捨根如前分別七事品
廣說云何信根謂依出要寂靜生信善法增
上信正思惟種種行種種作種種思惟心清
淨是名信根

云何精進根謂出要寂靜生於善法若欲精
進方便勇猛攝心常不懈息是名精進根
云何念根謂出要寂靜生於善法若念隨念
是名念根云何定根謂出要寂靜生於善法
若心雜亂善任等任是名定根

云何慧根謂出要寂靜生於善法擇法照察
決斷審了是名慧根

云何未知當知根所謂超昇離生人若學慧
根謂彼根隨信行隨法行未無間等四聖諦
而無間等生是名未知當知根

云何已知根所謂見諦人無間等若學慧根
謂彼根信解脫見至身證已無間等四聖諦
增上無間生是名已知根

云何無知根所謂阿羅漢盡諸漏結若無學
慧根謂彼根慧解脫俱解脫現法樂住增上
無間生是名無知根

二十二
法竟

云何九十八使謂三十六使欲界繫三十一

使色界繫三十一使無色界繫九十八

眾事分阿毗曇卷第五

捷疾

上才
兼反

堤塘

上伍
音

段

